

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj:04/1-23-5-9/18

Bihać, 16.10.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Bihaća u svojstvu predlagača propisa i drugih akata

O D R E Đ U J E

Izvjestioca: Jasmina Stamboliju, pomoćnika gradonačelnika za komunalne djelatnosti, vode i zaštitu okoliša na sjednici Gradskog vijeća i radnim tijelima po prijedlogu tačke dnevnog reda:

- Prijedlog Odluke o dopunama Odluke o javnim parkiralištima na području grada Bihaća

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Služba za komunalne djelatnosti,
vode i zaštitu okoliša
Broj:04/1-23-5-9/18
Bihać, 16.10.2018.godine

Na osnovu člana 52. tačka a) Statuta Grada Bihaća ("Službeni glasnik Grada Bihaća" broj: 13/15), dostavljam vam Prijedlog Odluke o dopunama Odluke o javnim parkiralištima na području grada Bihaća, na razmatranje radi donošenja.

O b r a z l o ž e n j e

Pravni osnov za donošenje:

Pravni osnov za donošenje prijedloga Odluke o dopunama Odluke o javnim parkiralištima na području grada Bihaća, sadržan je u:

-članu 58. Zakona o komunalnim djelatnostima ("Službeni glasnik USK", broj: 4/11, 11/11, 6/12 i 13/12), kojim je, između ostalog, propisano da se posebnom općinskom odlukom reguliše obavljanje djelatnosti javnih parking prostora i

-članu 35. tačka c) Statuta Grada Bihaća ("Službeni glasnik Grada Bihaća", br: 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi donošenja:

Izradi prijedloga Odluke o dopunama Odluke o javnim parkiralištima na području grada Bihaća pristupilo se iz sljedećih razloga:

-U toku provođenja važeće Odluke o javnim parkiralištima na području grada Bihaća („Službeni glasnik Grada Bihaća”, br: 1/15, 1/16 i 6/16), predlagač i Služba za komunalne djelatnosti, vode i zaštitu okoliša zaprimili više usmenih prijava građana nastanjenih u naselju Ozimice I, da se kao parking prostor koristi javna površina između ulice Murat bega Ibrahimpašića i ulice Fehmije Džabića, a koja je u prethodnom periodu bila pješačka zona, odnosno asfaltirana pješačka staza sa javnom zelenom površinom. Kako se na navedenoj površini parkiraju motorna vozila korisnika usluga okolnih trgovačkih marketa i ugostiteljskih objekata, Služba za komunalne djelatnosti, vode i zaštitu okoliša je u saradnji sa JU "Zavod za prostorno uređenje" Bihać i Službom za inspeksijske poslove u više navrata pokušavala spriječiti parkiranje vozila na pješačkoj zoni, vršenjem pojačanog inspeksijskog nadzora, kao i postavljanjem različitih prepreka za vozila, te zaštitne ograde, što je u veoma kratkom roku vandalski uništeno i uklonjeno od strane nepoznatih lica.

Cijeneći sve navedeno, a imajući u vidu i opravdanu potrebu za otvaranjem nove površine za parkiranje vozila u naselju Ozimice I, predlažem da se navedena površina uvrsti u Aneks I predmetne Odluke, kao javno parkiralište uz naplatu parkiranja u II zoni.

- Nadalje, u toku provođenja važeće Odluke zaprimljena je inicijativa Kantonalnog tužilaštva Unsko-sanskog kantona, broj: A-886/17 od 01.10.2017. godine, kojom se za potrebe tužilaštva traži smanjenje osam parking mjesta na javnom parking u ulici Pape Ivana Pavla II (četiri parking mjesta uz samu zgradu Tužilaštva i četiri parking mjesta uz zgradu Grada Bihaća), kao i uvrštavanje službenih vozila Kantonalnog tužilaštva USK-a u član 17. i član 26. Odluke, kojima je određenim državnim tijelima i javnim službama tokom provođenja interventnih akcija omogućeno korištenje javnog parkinga i parkinga za stanare bez parkirne karte, odnosno vinjete.

Zaprimljena inicijativa je djelimično prihvaćena, te je u predloženi tekst Odluke ugrađen dio inicijative koji se odnosi na mogućnost da i službena vozila Kantonalnog tužilaštva USK-a tokom provođenja *interventnih akcija* koriste javni parking i parking za stanare bez parkirne karte, odnosno vinjete (dopuna člana 17. i člana 26). Međutim, imajući u vidu da je važećom Odlukom propisano da je parking u ulici Ivana Pavla II javni parking na kojem se pruža usluga parkiranja uz naplatu, dio inicijative vezano za izmjenu broja i ustupanje osam parking mjesta za potrebe Kantonalnog tužilaštva USK-a, ne možemo prihvatiti jer Odlukom nisu propisani slučajevi oslobađanja od plaćanja parking karte za javna parkirališta, iz kog razloga će se podnosilac inicijative za rješavanje ovog pitanja uputiti na JKP „Komrad“ d.o.o. Bihać, kao davaoca usluge javnih parkirališta, u smislu pribavljanja, odnosno kupnje godišnjih parking karata za svoje potrebe, a JU „Zavod za prostorno uređenje“ Bihać u smislu postavljanja određenih saobraćajnih znakova.

Radi gore navedenog, predlažem Gradskom vijeću Bihać usvajanje prijedloga Odluke o dopunama Odluke o javnim parkiralištima na području grada Bihaća, kao u predloženom tekstu.

Potrebna finansijska sredstva

Za provođenje ove Odluke nije potrebno obezbjediti finansijska sredstva u Budžetu Grada Bihaća.

Obrađivač: Elvira Hadžić, dipl.pravnik

Prilog:

1. Prijedlog Odluke o dopunama Odluke o javnim parkiralištima na području grada Bihaća
2. Odluka o javnim parkiralištima na području grada Bihaća („Službeni glasnik Grada Bihaća”, br: 1/15, 1/16 i 6/16)
3. Inicijativa Kantonalnog tužilaštva USK-a

Gradonačelnik
Šuhret Fazlić

Na osnovu člana 58. stav (1) tačka h) Zakona o komunalnim djelatnostima („Službeni glasnik USK“, br: 4/11, 11/11, 6/12 i 13/12) i člana 35. tačka c) Statuta Grada Bihaća („Službeni glasnik Grada Bihaća” broj 13/15), Gradsko vijeće Bihać _____ sjednici održanoj dana _____ godine, donosi

Odluku
o dopunama Odluke o javnim parkiralištima na području grada Bihaća

Član 1.

U Odluci o javnim parkiralištima na području grada Bihaća („Službeni glasnik Grada Bihaća“, br: 1/15, 1/16 i 6/16), u članovima 17. i 26. iza tačke e) dodaje se nova tačka f) koja glasi:

„f) službenim vozilima Kantonalnog tužilaštva Unsko-sanskog kantona“.

Član 2.

U nazivu DIO ČETVRTI-USLOVI I NAČIN KORIŠTENJA PARKING POVRŠINA NAMIJENJENIH ZA PARKIRANJE VOZILA STANARA U OBJEKTIMA KOLEKTIVNOG STANOVANJA, iza riječi „STANOVANJA“ dodaju se riječi: „ I POSLOVNIH SUBJEKATA“

Član 3.

U članu 19. stavu (1) iza riječi „ stanovanja“ dodaju se riječi: „ i poslovnih subjekata“.

Član 4.

U Aneksu I, Dio C – JAVNA PARKIRALIŠTA U ZONI II, dodaje se redni broj 5. koji glasi:

„5. Parking prostor između ulice Murat bega Ibrahimpašića i ulice Fehmije Džabića, sa lijeve strane posmatrano iz pravca ulice Murat bega Ibrahimpašića, Šifra parkinga 005-IIZ, Broj parking mjesta 15“.

Član 6.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV- _____

Bihać, _____ 2018. godine

Predsjedavajući Gradskog vijeća

Davor Župa